

Landesbibliothek Oldenburg

Digitalisierung von Drucken

Jonstoni Historia Naturalis

Ioann. Ionstoni|| Historiae Natvralis|| De|| Exangvibvs|| Aqvaticis|| Libri IV||

Jonston, Jan

Heilbrunna, MDCCLXVII.

VD18 90529022


Illustration: Tab. XVII. Patella Cypria maior non striata [...]

urn:nbn:de:gbv:45:1-11100

Patella Gypria maior non striata. n. 1.

Patella Gypria maior striata. n. 2.


*Tab. XVII.
Lepas, siue Patella Bellon.*



Concha Venerea.

Concha Venerea Zoographi.

Patellæ feræ siue Anres marinæ.




Concha Ven. Rond.




Concharum Venerarum Speciebus.



Concha Persica maior.



Concha Persica minor.



Tubuli in quibus Vermes.



Penicillus alius.



Penicillus Meerbenzel.



Vermes in Tubulis.

Tubuli alij parui.



ARTICVLVS VI.

De Conchyliis Univalvibus.

PVNCTVM I.

De Lepade seu Patella.

TAB. XVI.
et XVII.Aldrov. l. 3.
c. 79.

Nomen.

Descriptio.

Locus.

Hactenus de Bivalvibus dictum: Univalvia sunt, *Lepas*, *Concha*, *Venerca*, *Concha Persica*, et *Penicillis*. Ad priorem *Auris marina* pertinet. *Lepades*, Plauto, nisi mendum subest, *Lopades*, quibusdam Graecis *πωμάτια*, modernis *Petaglides*, vel quod sint petrarum in mari quasi *λεπίδες*, id est, squammae quaedam; vel quod petrae cum eis spoliuntur, veluti *λεπεδοί* ἢ *λεπίζεδοί*, hoc est, desquamari videantur, dicuntur. Gaza *Patellas*, a vasis escarii similitudine, ut *Rondeletius* autumat, exponit. Inter *μονόδυνα* censerī debere, nullum dubium. Saxi testa in dorsum data adhaerent: ideo *Aristoteles* alteram partem superficiei detectam, carnem ostendere dixit. Os ipsius versus terram, et excrementorum exitus superius habetur: *Papaver* quoque in imo, sive in suo fundo habent. *Bellonius* scribit tanta esse magnitudine, quanta extrema ovi putaminis pars abscissa esse potest. Colorem *testarum* livere vel cinereum esse, cornuque limacis instar exerere, et os, et caput habere huic persimile. Plura in *Differentia* vide.

Locum si quaeris, in saxi littoris *Aquitani* et *Britannici*, nec non *Massiliensis* et *Agathensis* sinus scopulis inveniuntur. Circa *Lepadulas* insulas tam frequentes, ut nomen iisdem dederint, si *Athenaeo* credimus. A saxi solvi, pastus quaeritandi gratia, *Aristoteles* author est, cui et *Bellonius*, dum cochlearium more serpere ait, subscribit. At *Rondeletius* id negat. Nullis enim, inquit, ad natandum partibus praedita est, nisi temere huc et illuc undis iactata feratur; neque victus illi quaerendus, nam maris spuma et aqua vescitur, qua alluuntur saxa. Quod si aqua allui saxa desinant, ea quae in testa relicta est absumpta, contabescere et emori tandem necesse est.

Tam se fortiter attactae saxi applicent, ut ne *Milonis* quidem digitis, avelli possint. Cultro igitur aut aculeato ferro opus est, inter ipsas et saxa immisso, quod ad oras Oceani *Aremoricorum* pueri facere solent, prodente *Bellonio*.

In *Cibis* crudae a piscatoribus et maris accolis usurpantur. Coctae facilius concoquantur, modo non nimium decoquantur. Jus alvum ciet. Usus earum et ad capiendos cibos esse, ex hoc *Tarentini* videre licet. *Obsonii* *σχάτος* dicti, praeparatio in mari cuius vi in unum locum statim omnes pisces conveniunt.

Ex mari *patellas* accipito, earum scilicet, quae circa saxa nascuntur: quarum quidem contundes carnem, exprimesque, et ea in testa aliqua inscribito, quae sequuntur: subitoque non sine magna admiratione videbis pisces in unum locum fluere confertum. Sunt vero ipsa nomina *ταῶ*, *παβαῶ*, quibus sane ichthyophagi utuntur.

Dividitur in magnam, Maris rubri parvam, et feram. Major *Rondeletii* testam habet non exquisitè rotundam, sed inaequalem, intus laevem, foris parum asperam, cui aliquando musculus innascitur, gibbam in ambitu livescens et striatam, intus cavam. Carnosam quoque simbriam in corporis ambitu quam expandit quum haeret, soluta contrahit. Interius subest caro dura, qua maxime saxo haeret, quae scuti picti formam refert. Os superiore in loco manifestum est, inferiore ori adverso, excrementi meatus, non in testa, ut in ea, quae *ἀγρία* dicitur. Os venter sequitur, in eo est *μήκων*, in imo ventre etiam pars, quae ovum dicitur. *Maris Rubri* *lepas* *Bellonii*, tabellis, quas in tergo gerit, corneis numero octonis, trans-

Ufus.

Differen-
tia.